

Doi dis di confront a Udin

## Plurilinguism e educazion tra Italie e Slovenie

"Plurilinguism e educazion. Esperiençis, risultâts e sfidis intal spazi tra Italie e Slovenie". Al è il titul de cunvigne internazionâl organizade dal Centri internazionâl sul plurilinguism de Universitât di Udin che si è fate ai 6 e ai 7 di Setembar inte sale "Gusmani" di palaç Antonini.

Inte doi dis di lavôrs ricercjadôrs talians e slovens si son confrontâts su la cundizion des lenghis standard e locals intal spazi tra Italie e Slovenie. In particolâr, a son stadis metudis in evidence ricercjis, prassis e esperiençis, struments didactics prodots intal setôr de educazion plurilingâl e concessions sul plan culturâl o leterari.

La cunvigne e je intal quadri des ativitâts dal progjet internazionâl "Jezik-Lingua – Plurilinguism tant che ricjece e valôr de aree transfrontaliere italoslovene", realizât inte ambit dal Program pe cooperazion transfrontaliere Italia-Slovenia 2007-2013, e al è patrocinât dal Ministeri talian de Economie e des Financis e dal Ministeri sloven pal Disvilup economic e la Tecologjie.

"La cunvigne – al à sclari't Robert Dapit, coordinadôr scientific de iniziative – e veve tra i siei obietifs chel di stiçâ un leam tra la riflessione scientifiche e la pratiche plurilingâl, carateristiche naturâl dal spazi tra Italie e Slovenie. Intun quadri di studis applicatifs si instrecin, di fat, cuistions che a rivuardin lis realtâts di ûs e di aprediment des lenghis e ançje i procès cognitifs, lassant vignî sù lis dibisugnis teorichis e praticis imponudis dai cambiaments originâts intai rapuarts tra la lenghe e lis spietis de comunitât di feveladôrs".